

## Edificio Cocolishi' entrega pa ALBO N.V.



**ORANJESTAD** –Entrega oficial di e edificio nobo di Bestuurskantoor a tuma luga ayera mainta. E construccion nobo, bon conoci como 'Cocolishi' ta bira sede di tur Ministerio di pais Aruba.

Lesu pagina A

# Edificio ‘Cocolishi’ entrega pa ALBO N.V.

**ORANJESTAD** – Den sala di Consejo di Minister a tuma luga ayera mainta entrega oficial di e edificio nobo di Bestuurskantoor. E construcion nobo, bon conoci como ‘Cocolishi’ ta bira sede di tur Ministerio di pais Aruba. Esaki no solamente pa mehora funcionamiento di Gobierno, pero tambe ta laga espacio pa restauracion di edificio di Bestuurskantoor den monumento historico.

Minister di Infraestructura Benny Sevinger a bisa cu Prome Minister Mike Eman, kende ta e motor tras di e proyecto aki for di tempo cu tabata den oposicion, no por tabata presente na momento di entrega di edificio, pero tambe ta hopi contento cu a yega e punto aki. Premier Eman, manera ta conoci ta haciendo su tarea di formado den e dlanan aki. Semper Gabinete Mike Eman a boga pa ampliacion di edificio di Bestuurskantoor pa asina por



rescata y preserva e edificio di Gobierno original como monumento historico.

Arquitecto principal di ‘Cocolishi’, Sr. Orlando Hoevertsz tambe tabata presente na e traspaso y a probecha pa yama danki na tur esnan cu tabata envolvi manera arquitecto Leo Ponson di Archiosa, George Beeks di Timeline Services y Daphne Every como diseñador di interior. Tambe a gradici Fondo Desaroyo Aruba (FDA), kende tabata representa e mainta aki dor di Friendsel Giel y Jessy Sim-

mons. E arquitecto a menciona tambe Deirdre Snojl y Junior Tromp, kende tabata e lider di proyecto di parti di Gobierno. Sr. Hoevertsz a trece dilanti su satisfaccion cu ALBO ya cu ta un diseño complica cu tabata rekeri un experiencia y calidad halto pa ehecuta y Ronald van der Valk como lider di proyecto, a cumpli cu e reto. “Nan a keda cla prome cu tempo y den presupuesto.” E proyecto a costa 18 milyon 50 mil Florin. “Ta drenta awo un termino di cuater luna pa caba cu e detayenan chikito,” Ho-



evertsz a menciona referiendo na e trabounan mas detaya cu mester wordo haci dor di diferente otro compania.

Sr. Menno James, Managing Director di ALBO a expresa cu esaki ta un proyecto bunita cu un arquitecto extraordinario. Como compania a hinca hopi energia y e personal tabata local. Nan a gradici tur hende pa e oportunidad cu nan a haya di demostra nan capacidad. “Awo ta yega momento pa duna funcion na e edificio,” James a bisa.

Sr. Friendsel Giel di Fondo De-

saroyo Aruba tambe a manifesta su aprobacion di con e trabou a cana dor di indica cu, “esaki ta un proyecto cu masha poco a discuti den nos ‘Project Committee’ paso e ta core riba ‘smooth rails.’ Nos ta hopi contento cu n’e. FDA su punto ta pa stimula economia di Aruba y e proyecto aki a logra esey. Nos ta kere cu e ta un joya di un proyecto pasobra a inverti cu fondonan di FDA y cu puramente contratista y socionan local.” Manera Minister Sevinger a indica, e siguiente stap ta pa finalisa e trabou di Plasa Padu cu ta bin rond di edificio Cocolishi y hunto cu Parlamento, Oficina di Gobernador, Fort Zoutman, Stadhuis, Controleeria General, ex-Museo Numismatico, ex-Havenkantoor y Bestuurskantoor ta cera e ‘binnenhof’ of Plasa Historico cu ta planea pa bira riba su mes, un atraccion turistico y nos mesun hendenan den centro di Oranjestad. □